

Bosna i Hercegovina  
Federacija BiH  
Kanton Sarajevo  
Skupština Kantona Sarajevo  
13. radna sjednica

n/p predsjedavajućeg, gosp. Elmedin Konaković  
Kolegij Skupštine Kantona Sarajevo

**INICIJATIVA ZA SAZIVANJE TEMATSKE SJEDNICU SKUPŠTINE KANTONA  
O STANJU U OBLASTI ZDRAVSTVA U KS**

Iako su vlasti u Kantonu Sarajevo prošle godine donijele Odluku o reorganizaciji zdravstva kako bi povećale kvalitetu zdravstvenih usluga i olakšali pristup zdravstvenim ustanovama, gotovo svakodnevne žalbe građana na stalne liste čekanja, nedostatak reagenasa, neadekvatan tretman i brojni drugi problemi govore kako je sarajevski zdravstveni sistem više u rasulu, nego u reformi.

Stanovništvo je i dalje razočarano kvalitetom zdravstvene zaštite i neuređenim sistemom dostupnosti ljekara. Proteklu godinu imali smo bezbroj primjera u medijima gdje je stiglo nebrojeno žalbi na duga čekanja za relativno banalne preglede. Pacijenti vrlo često u ordinacijama moraju stajati i po nekoliko sati kako bi došli na red i preuzeli uputnicu za laboratoriju, dok mnoge na dnevnoj bazi vraćaju zbog velikih gužvi.

Entuzijastične najave najznačanije reorganizacije zdravstva u KS osudili su brojni stručnjaci, pa čak i sindikati, govoreći kako to nisu nikakve reforme, već vraćanje unazad, te je stoga izuzetno važno da u narednom periodu organizujemo tematsku sjednicu iz oblasti zdravstva kako bismo zajedno sa svim relevantnim činiocima sistema objektivno utvrdili realno stanje, mjere i perspektive s aspekta legislative, logistike, resursa, u interesu pacijenta kao centralne tačke sistema.

Posebno naglašavam kako se radi o temi koja je prvo život, pa tek onda politika, te je stoga važno razumjeti da nam sistem sve više erodira kako u očekivanjima pacijenta, tako i odlasku doktora, što nam dugoročno predstavlja ozbiljan problem za stabilnost sistema.

Želim vjerovati kako smo spremni zajednički raditi u ovoj oblasti u interesu svih građana Kantona Sarajevo, pokazujući da želimo zadržati zdravlje kao univerzalno pravo svakog pojedinca, zaustavljajući procese koji zbog svojih posljedica vode zdravstvo u prostor tihe privatizacije jer građani sve više usluga koje ne mogu ostvariti u javnom zdravstvu, plaćaju u privatnom.

Sarajevo, 25.09.2019.

**Segmedina Srna Bajramović**